

جریدہ علیہ

مشتت مبلد اسلامیک جریده رسمیه میدر

۱۵ شعبان المعظم سنه ۱۳۳۸

عدد ۵۹

اون بش کونده بر نشر اولنور

بشجی سنه

فتاویٰ شریفه

طلاق

زید فلان فعلی ایشلرسم عورتم اوچ طلاق بوش اولسون دیدکدنصکره زید اول
فعلی ایشلمدین زوجہسی ہندی بر طلاق ایله تطلیق ایدوب عدتی منقضیہ اولدقدنصکره
زید اول فعلی ایشلیوب بعدہ ہندی تزوج ایلسہ زید اول فعلی ینہ ایشلیجک شرط
منزبورہ بناء زیددن اوچ طلاق بوش اولورمی الجواب اولماز .

* *

حضانه

درت بش یاشنده اولان زید صغیری اناسی هند بحق الحضانه تربیہ اوزره ایکن
هنددن حق حضانه ساقط اولمدین زیدک باباسی عمرو زیدی هنددن آلمغه قادر اولورمی
الجواب اولماز .

* *

ہبہ

هند صحبتده ملک منزلی اولنجہیہ قدر کندی ساکنہ اولمق اوزره اوغلنک اوغلی
زیدہ ہبہ وتسليم ایندکدنصکره هند فوت اولسہ هندک اوغلی عمرو ہبیہی طوتمامغه قادر
اولورمی الجواب اولماز .

* *

مرو زمان

زید مدت سفر بعید آخر دیارم کتد کده عمرو زیدک ملک باغی تغلباً ضبط ایدوب
بعده عمرو فوت اولمغه باغی ورثه سی ضبط ایدوب زید آخر دیارده اون سکنز سنه
مکث ایتکله بومدته دعوی ایدمه ماسه حالا زید کلوب باغی ورثه دن دعوی مراد ایتد کده
ورثه مجرد اون سکنز سنه مرور ایتکله دعواک مسموعه اولماز دیو زیدی دعوا دن منعه
قادر اولورلرمی الجواب اولمازلر .

* *

اسفلی زیدک ملکی واعلاسی عمروک ملکی اولان منزلك اعلاسنده عمرو بعض
حیوانات اسکان ایتکله اول حیواناتک بولی منزلك اسفله آقوب زیده ضرر ییی اولسه
زید عمرو ضرری دفع ایتدیرمکه قادر اولورمی الجواب اولور .

* *

مرو عاتده مشارکت

زید عمرو ایله علی الاشتراک طابو ایله تصرفنده اولان تارلارک بر مقدارنده عمروک
اذنسنز تخمینی نفسیچون زرع ایدوب حاصل اولسه عمرو زیده مجرد تارلار مشترک
اولمغه محصولده ساکه مشارک اولورم دیمکه قادر اولورمی الجواب اولماز .

* *

هته

زید معتوه عتهی حالنده ملک منزلی زوجہ سی هندہ هبه وتسلیم ایلسه هبه مزبورہ
صحیحہ اولورمی الجواب اولماز .

* *

مفقود

زید مفقودک حقیقه یا حکماً موتی ثابت اولدین ورثه سی مالی اقسامه قادر اولورلرمی
الجواب اولمازلر .

* *

کشیه الفقیر

دری راده السید عبدالله

عفی عنهما